

天真閣集

天真閣集卷二十五

詩二十五

昭文 孫原湘 子瀟

上章執徐

送彭詠莪孝廉

蘊章

赴禮部試

豈樂事行役況兼風雪寒獨懷饑溺志敢惜道途難  
畚鍤民勞止供輸國計殫聖朝求治策努力向長安

嬉春

山窗翠羽弄朝暎風襲輕裘律轉溫病有閒身尋水石老無遊  
伴挈兒孫一帘柳色鶯呼酒雙院棋花雀守門坐久竹陰如水  
過憑誰攬住嫩春痕

題徐俠齋山水

先生峻節白雲飛靜掩柴阿兩板扉閒寫江南秋一角此中應

有首易微

王元章畫棋

有心無心閒錯亂出奇特此是造化機凡手偷不得  
水月空明裏橫斜著數枝墨痕尋不見吾自得吾師

挽林遠峯

才名藉甚說通仙豪氣能傾客四筵萬事煙雲惟酒戀一生風  
月有詩傳貧偏到手黃金盡老尙多情白髮顛真箇與棋緣宿  
世滿林香雪竟長眠

正月煥甚

不是風催煥棋花已滿阿天誠憐困鬱物但逞易和漫喜昭蘇  
易終嫌發洩多幽蘭閉空谷愼莫悵蹉跎

近年屢欲探棋西磧因循不果

其奈棋花笑我何易尋盟約尙蹉跎  
中誤記還青鬢眼底驚看又綠波  
虛願難隨明月滿閒愁空比亂山多  
家人笑指叢蘭在穩守紅窗莫放過

張吟樵明經

錫瑞

招飲開濤軒

最宜歡賞是初春  
恰喜招邀得比鄰  
小雨釀和風  
澹蕩老棋支  
瘦雪精神山來竹  
外參微笑鳥勸花  
前惜健身誰似君  
家百年樹長撐青  
眼閱詩人

庭前古松君曾祖手植與陳見復王西澗諸老觴詠處

諷蝶

省識南華舊嬾非  
翩翩新試葛仙衣  
春風貪覓花間活  
卻趁黃蜂尾後飛

苦逐遊絲上下狂  
粉痕零亂爲誰忙  
濃薰自染蓬蒿味  
飛過幽蘭不覺香

友人以悼亡殤子照合卷乞題

珠字瑤琴錦字機彩雲易散玉蟾飛  
畱將霧鬢風鬟影誤被人間喚  
宛如

么絃彈斷楚騷哀珠樹文鴛信不迴  
胡蝶有情偏認得卷中飛上畫裙來

玉釵敲折鏡奩空柿葉翩翩唱惱公  
悔殺桃花偏結子斷紅零粉太匆匆

珍重前圖接後圖生綃一片淚饌餽  
南華作達西河痛兩種深情盡得無

寒食泛舟三橋

垂楊招我畫橋過橋畔衣香簇綺羅  
水潯性忘秋日冷花濃情泥夕陽多看  
山自倚孫爲杖勒酒還憑鳥當歌  
蝴蝶一雙孤墓

出似商春事莫蹉跎

清明過破山寺

春來腰腳健躋攀看飽西山又北山  
芳艸輒承胡蝶寢桃花紅借美人顏  
詩溫好景無嫌熟情過中年轉怕閒  
遊興未闌蓮漏促一襟收得佛香還

雨酌

脩竹雙行雨一襟玉壺香煥且頻斟  
桃花彈滿清明淚蝴蝶不來春又深

春陰

濃雲如癭掩窗紗掃去殘紅落轉加  
小雨不休風更緊東閣愁煞未開花

流水涓涓靜裏聞關心節物過前裙  
虧他一縷寒威峭似勸春

行緩幾分

贈道士

道人身是孤山崔來往  
樵花香雪中我昨花前幽寢覺  
似聞清唳下寒空

題笠畔觀察

斌良

小字蘭亭序帖

山陰繭紙入昭陵  
響擗爭誇趙葛能  
妙手別摹唐粉蠟  
風流遙證越州僧

褚肥歐瘦訟紛然  
別寫湍流帶石天  
移取山頭歸領上  
卻愁豪奪米家船

一硯楊花轉漕風  
吳興待閒寄情同  
分明虎臥龍跳勢  
收入蠅頭細字中

藏如處子拙如樵  
退筆風神邈可追  
應笑貂皮王子廓  
苦求殘

本證金龜

波磔親鉤碧玉刊螳螂蟹爪取神難千金不換梨花雪度與人  
開換骨丹

玉枕摩挲付辨才蘭亭生面拓園開香泉太守天瓶老齊捧珠  
槃笑入來

晴窗風日細臨摹少箇河中馬軾圖韻事好循松雪例仙壇石  
上配麻姑

仰字懸鉞列字丁飛騰虹彩掩羣星吾家莘老如親見別構珠  
湖墨妙亭

牡丹開時經旬陰雨黯澹零落慰之以詩

就使花濃發殘春已可憐忍看佳麗地橫值雨風天富貴遇仍  
舊離披神自全暫推知有意養力待明年



惜別

風急花飛雨又侵不緣離別已難禁  
蠶絲自裏重重障蠟淚空燒寸寸心  
安得雙輪生四角還貪一刻值千金  
前生並命栽紅豆未意情根爾許深

舟夜

風穩香巢寄一枝無端燕羽又差池  
人當離別情方見事到思量味始知  
意嬾不嫌行去緩眠多偏苦寢來遲  
榜歌猶是鄉音好忍著朦朧聽片時

高淳湖

謝家詩思米家船四望空明一鏡圓  
赤壁江山無此畫白鷗天地自成仙  
片雲輕與鳥相趁斜照淡如花可憐  
轉惜東風吹送急孤城已在落帆邊

上灘口號

過一灘平又一灘船行三十六灣環飛來幾點遙峯翠行盡前灘不見山

纍纍石子一川橫礙住船頭不可行十幅輕帆雪不動東風枉自作人情

半日纔行十里遲勝如風浪險難支不妨穩臥看山色萬事平心耐幾時

灘中石子歌

碎石激湍作雪飛石子大小圓如璣紛紅駭綠清可數翡翠珊瑚探手取映水光且澤起水黯無色盡日船窗心眼力還向水中輕一擲世閒美物貴在少如此纍纍安得好衆中有美藏深渦俯拾卽是奈眼何

端午日醉坐月午樓有懷方生墨林饒生漢章用墨林

戊寅春芍藥花下韻

我登洋山懷兩生輝映左右瑤與瓊花前置酒作高會掇拾殘  
朵餐其英兩番文戰兩不勝雲雁分飛呼不應已過芳菲婪尾  
時更無跌宕遨頭興造物顛倒慣弄人但有長醉無長春遊絲  
落絮皆離恨艾葉菖蒲總愴神屋縱金裝人玉琢不如自對同  
心樂安得吹山與地平由來會合皆天作我思縮地長房仙盡  
取同心置眼前萬劫不逢花萎謝百年常滿月因緣九疑之山  
森咫尺對面有時變顏色何如相別轉相思常令日竟懷月  
酒酣忽忽如驚猜花間二子珊珊來滿身花雨相徘徊浮花酌  
我鸚鵡盃夢合寢離皆偶爾放眼千秋有如此願得置身塵俗  
裏市僧屠沽盡知已

戲贈燮元

之子神清絕，雙瞳水翦秋。十齡能灑脫，千里快從遊。奇石探懷出，飛雲拂裏收。頎然長九尺，未解此風流。

有懷義人

夕陽倚徧舊樓臺，望眼南雲撥不開。每到花前倍惆悵，曾題詩處重徘徊。早知此地相思甚，翻悔頻年結伴來。料得也應憐遠客，癡遊一枕小蓬萊。

月午樓夜坐同燮元

樓閣俯山巔，山如對榻眠。靜思呼石語，虛欲駕風仙。蹤蹟溫前癡，情懷減去年。佳兒知我意，閒數月團圓。

晚眺

閒趁斜陽倚瘦筇，紅關十二翠千重。蟬聲祇觸流年感，鴻爪難

尋隔歲蹤樂事強求終易倦好山習見亦平庸相看不盡徘徊  
意只有亭亭水北松

長日

游絲十丈裊簾波花影難移一寸過危坐自嗤邨祭酒枯禪誰  
問病維摩歸期屈指原知近客裏消竟已覺多隱隱清灘東下  
急風光人事兩蹉跎

病中呂生

廷輝

饋楊梅食之而爽報以一詩

百顆驪珠貯滿筐楚天何意見吳郎頓蠲宿疾憑家果絕類輕  
身返故鄉雀頂摘來應妙手龍宮抄去卽神方隨風咳唾金婆  
核畱種洋山與徧嘗

題家書後

紅箋易盡情無盡箋盡還多未盡辭花下涼暄須自覺燈前閒

暇莫相思未妨對奕呼新婦休爲翻羹惱侍兒但看海棠開到  
近是臨行約是歸期

譚荅芳明經

正治

小尔疋疏證書後

小尔疋出孔叢子盤孟雜揉眞博士或云甲係黃帝史或云尼  
山古文是班志載之逸名氏誰其解之晉李軌考亭謂出東漢  
擬近來錢竹戴東亦頗詆譚君嗜古躍然起奮筆上補都亭李  
憲箋揖書差可比迴勝農師拾糠粃浪遊京洛不得已歸來杜  
門伸故紙譚君譚君殊自喜疏十三篇壽千紀洋山嶸嶸水瀾  
瀾焉用紅塵覓青紫洪存樸作化人孫淵亦死白日堂堂去如此

道經西嶺望黃山作歌

雲中突出芙蓉巘四面羣山不挂眼芙蓉攬手若可採欲往從  
之隔雲海一峯天矯欲透雲雲偏學山不可分一峯逃離被雲

抹山亦化雲雲更滃忽而呈身忽隱身山自爲主雲爲賓託山  
上升壓山俯看山翻被雲作主我時身心俱欲飛神與山合目  
不離天風蕭蕭吹我衣已若騰身四千仞高與蓮華齊眼前變  
幻已如此不知天外諸峯一峯一態更何似容成子浮邱公借  
我七尺綠玉筇與爾遊戲雲之中虎蹟不到鳥不通一一搜剔  
窮其蹤世眼但誇始信峯焉知此峯以外不有金庭玉柱奇無  
窮說與世人不信亦不能相從否則不如遙望好足所未及目  
可飽目所未盡心可造苟或親身入雲島轉病胸中有成藁或  
嫌隔雲太縹緲須把浮雲一齊掃不知好處在饒餉萬事從來  
忌了了身到不如眼到先身游不及神遊全黃山亦似解此意  
遙遙對我春嫣然歸來作歌寄山靈與山訂交目已成如何枕  
上心怲怲終覺未了平生情寢中又向三十六峯絕蹟而飛行

太平途次遇胡書農學使同年敬

詞臣文采挾天章持節風流照四方  
水鑑共推歐永叔驥羣爭盼蔡中郎  
龍門立馬千峯見牛渚燃犀百怪藏  
旅次相逢一尊酒西清回首事茫茫

碧琅玕山館歌

背雪嶺面月山幽竹虹落相迴環  
梭山突兀撐其間就山作屋奪天巧  
真山翻疑假山造一屋一石致不同  
一石一狀奇無窮後有巨石尤靈瓏  
管領羣石爲之雄古苔繡其身玉花  
漱其穴石氣撲人涼沁骨白日經過  
澹如月世人平地營山林一石動費  
千黃金那知人巧屬天設以巧學天  
計已拙我來如入壺公壺三日坐對  
爲之圖逕思奪取青珊瑚奪旣不可  
奪畫又不能畫臨行但學米顛拜石  
旣奇古詩亦怪此石此詩同不壞



曉至江邨

撥開白雲堆石細露光炯蒼翠涵空潭殘月墮人影襟裊拂樹  
顛反觸鳥寢醒朝曦逗微紅勢欲出孤嶺迴看目猶眩遙眄趣  
已領鼻觀聞清香涼風在前等

江邨觀荷華

朝煙罨水綠可憐花光一透紅微天荷珠滴漣醒鷗寢隔花驚  
起如飛仙白鷗飛入花無迹一半花紅半還白一池分作兩池  
看自苦雙眸分不得憐紅旣愁白相妬顧白卻思紅可惜花外  
亭亭恰有樓離花反登樓上頭全花一覽始無隔又恨相離不  
相卽風吹香來花意真香引人去還相親碧筩瀉酒生綠鱗紅  
鯉斫膾何紛綸此時不飲花笑人繞花一匝酒一巡何妨繞徧  
三百匝醉死便作花間神吾鄉兩湖蓮接天花時只在煙波船

吹簫濯髮遲我顛夜深抱月中眠三年不見芙蓉萼但見亂  
山青岸嶠今晨對花一洗眼把殘還如故鄉樂安得一夜秋風  
來片帆直下如飛雷寄書且與荷花約我未歸時莫盡開

登江邨塔

不知身已近天都祇覺涼風透體蘇頂作三盤螺聳髻梯行九  
曲蟻穿珠青山抱屋森屏障綠樹圍邨入畫圖雲外蓮花峯一  
朵亭亭來鬥水芙蓉

觀荷華歸寄家人

風裳水佩罩鴛鴦此處煙波別有鄉可惜不偕徐淑至綠盤紅  
露賦瀟湘

年年買夏就煙蘿如鏡雙湖照畫蛾每到藕花生日日一雙清  
影並鷗波

一箇瓜蔓水澄清便擬歸帆片葉輕三十六陂秋色裏月華如水聽簫聲

虞山三布衣歌

蔣霞竹

寶齡

能詩畫李味霞

世則

善琴畫季尙迂

士

新工詞皆不求聞達有落拓自喜之致又皆耽飲一醉外無求焉賢於世之求富貴者矣戲爲是歌

眼前紈袴不足譏矯矯乃有三布衣不求升天白玉梯不受籠絡黃金轡好酒勿論醇與醲但求日日醉倒身如泥三家妻孥寒且饑三人面目瘠且顰蒙頭破帽風雪淒路旁揶揄逢魑魅一笑那識是與非吾儕自樂吾天機一生能詩郊島齊避俗一卷常自攜點筆絕似曹雲栖間亦參入雲林倪一生善畫尤淋漓自稱吾師黃大癡往往閣筆日影移且復三弄梅花飛一生

芒角尤嶽崎不合宜事滿肚皮跌宕樂府聊自嬉周郊鷹揚虞  
鳳儀三人相遇壺共提我詞爾評畫爾題時亦握手相歡欬各  
道世俗知音希我謂三生各抱歲寒姿比之松梅兼竹兮霞竹  
如竹何滴滴但遇風雨時離披味霞如樛臥西谿枝高苦被雪  
壓低尙迂貌古尤清奇孤松偃蹇霜根欹我願三生常此扃柴  
扉葛巾蕭颯蘿裳披服食蟾彩吞雌霓保爾冰雪無瑕肌毋徒  
悼歎識者稀世間但有齷齪紈袴如醯雞

題崔秀才黃山遊記

黃山三十六芙蓉高插青天紫翠重撒手未須華頂杖飛行直  
過客成峯龍蛇快寫柳州記虎豹熟窺霞客蹤七十老翁腰腳  
健阿咸謂厚軒雖小不能從

登小蓬萊閣留別講院諸生

綠陰頂上絕纖埃，凭到紅關眼界開。  
一夜雨聲催暑去，四圍山色送秋來。  
人生聚合原關數，我輩登臨總費才。  
幾點清溪臨別淚，石邊流出尚潄洄。

贈別崔生

寬

晚花籠霧月籠煙，未別將離最黯然。  
此去恐難期後會，重逢或已種前緣。  
雲中過雁渾無語，客裏逢秋倍可憐。  
他日有情應記憶，攜琴訪我白鷗天。

九月二十六日奉

仁宗睿皇帝遺詔成服哭臨恭挽四首

離宮一夕起秋飈，竹使符傳海寓遙。  
廿載

慈仁稠雨露，萬方哀痛極雲霄。  
金縢籲禱都倉卒

玉几音徽竟寂寥，奉諱普天笳鼓歇山城。  
落木盡蕭蕭

龍旗象輦駐天遊忽報

宮車晏

帝堦八駿自修

行狩典九疑偏遇

陟方秋東園祕器星馳驛

南殿容衣月掩幃作冊未須揚

末命平時金鎖早綢繆

珠囊金鏡闕

宸居

睿算從容旰食餘盡埽黃巾清海甸親沈白馬奠河渠年豐屢  
卞

綱優詔刑措還傳

肆膏書

累德南郊天意定謾憑珪黜議

丹除

當年奏賦拜

楓宸仰荷

丹臺點注新釐禁殊榮難報稱崔書敦促自因循酬

恩萬死知何日耽逸千秋愧此身空對遙天成一慟攀髯無路是微臣

詠史

堯母門開帝錫名猗蘭宮殿事分明黃龍捧日臨金闕紫鳳翔雲護玉京蕙苒珠應生內苑菖蒲花豈發邊城洛陽三日奇香滿浪認齊州夾馬營

文章五色降鸞臺薄謹俄驚覆餗災暫奪樞機離要地尙畱鼎  
軸近中台模稜味道原充位謹畏元絲實忌材信手浪傳天上  
語漫誇燕許是鴻裁

鸚鵡

慧舌倚新晴金堂屢報聲能言正何益況是不分明

閨情

阿母親教繡花繁艸更繁繡花停繡艸舊譜未嫌翻  
窗外玉棊開隔牆防折取卽欲折何枝儂自分明與  
厭聽嬌啼鳥開籠盡放生玉堦如寂寞蟋蟀鬪秋聲  
葉葉胷蛛絲縱橫誰與埽閒中寓化機戲捉青蟲考

楊升菴配黃安人畫升菴松下煎茶圖

曹衣吳帶神仙姿狀元才子宰相兒是從玉堂退食暇抑方乞



假看花時竹爐湯沸潮聲聽謾謾松濤樹頭應六班佳製樂天  
茶七盃清風玉川興恰有閨房管仲姬丹青妙比虎頭癡霜豪  
寫盡閒居福世外風煙那得知一朝疏入天威觸手撼奉天門  
大哭拜杖明廷肉盡飛投荒邊微身難贖胡粉蠻花雙髻了箇  
韶不奏秦琵琶靈均老淚彈秋水賈誼餘年看日斜天上雷靈  
猶不測此生何敢懷鄉國回首瓊枝樹欲凋傷心銷字書難得  
當年世廟狗烏私兩口蛙鳴結主知議濮敢翻前代案躋僖竟  
絕孝宗支二百廿人削與成九廟灰飛天亦怒配天一疏老奸  
來四十五年昏不悟鬚眉颯爽現冰紉直節猶從畫裏看六詔  
羈魂招不得一盃涼雪薦龍圓

言依山參軍

尙熾

才人鑑傳奇

不將花月譜西廂掃卻溫飛說醉鄉如此虛生真絕倒并無骨

相寢黃梁

描摹醉語近天真付與詞場菊部新  
鴈坐灌夫誠快事人閒難得眇山人

千金難釋一杯嫌園土春風十載淹  
彈徹銅琶麝氣吐酒龍詩虎盡掀髯

唾棄烏紗世局翻排場新色動梨園  
陋他李白登科記未洗胸中一狀元

題畫

青山紅樹太離迷化作寒霞映小谿  
秋色自濃人自澹詩情不遇畫橋西

杖藜何事撥閒雲詩在空山久待君  
莫羨仙樓如畫好最高峯頂易斜曛

霜天詩意滿西城樓閣參差繪晚晴料理一枝筇竹杖大癡圖裏聽秋聲

### 黃雀行

八九月間兒童以食引雀稍飼旋縱之戀食則復來如是數十次往往颺去戲爲是解

枵爾腹縱爾軀以手炫食還相呼一星之粟能捨無人何知鳥何愚一狎君喚供君娛飛去復來掌上珠無端颺去難追連鳥則知人則愚二東家脫去西家斂得鳥者喜失鳥吁失卻一雛引一雛人亦愚鳥亦愚三

### 秋盡日雨

老臥江鄉不計年悲秋又值送秋天身閒於世真無補性僻逢人卻有緣細雨漸催風轉變晚花猶趁氣喧妍霜楓未敢顏如

赭斜倚西山獨泣然

王石谷東籬采菊圖

何代無菊花何人不愛菊一經高士賞花獨淵明屬耕烟瀟瀝  
人放筆寫秋綠當門插柳五緣籬編枳六人是晉時人屋是晉  
時屋何年寢見古貌古肖而酷義熙風在眼羲皇趣滿腹無人  
歸去來此卷誰可讀

仇實父畫陶淵明歸去來圖

輕舸一葉載雲還人在仙原杳靄閒應笑龍吟猶色相西園塗  
綠上春山

一官花影過無痕癡罷羲皇倒綠尊松頂閒雲如我嬾春風吹  
不出柴門

觀錢忠懿王金塗塔作歌

屈竹田別駕

保鈞

得五代吳越國王錢宏俶金塗塔

出以見示自四角至底高今工部尺四寸二分塔頂

相輪七級高三寸三分以今天平等之重三十五兩

塔分四面前面佛像坐右旁二人一立一坐左旁一

人立前有二獸形似犬

南宋周文璞觀姜堯章所藏金銅佛塔歌云饑鷹餓虎紛

相向明慈山大師記吾鄉顧玉柱墓掘得銅塔前作尸毘王割肉飼鷹採鴿與此殊不在此四面皆無應

像此面內鑄楷字云吳越國王錢宏俶敬造八萬四

千寶塔乙卯歲記十九字下別有一保字編號

張世堂金

石契載桐鄉金鄂巖家所藏題識畫

後面一佛立左

像與表忠譜俱同惟保字作人字

右各一人前有二虎

按此疑即慈山記所云

薩埵太子投崖飼虎

左面一

佛坐右旁二人一立一坐左旁二人立持杵

按右旁一人似

持刃立或即慈山所云慈力王割耳傳燈之意

右面一佛屈膝俯首一人持

刃加其首一人承其下一人持其後後有寶樹一株

按此卽慈山記所云此三面內無文字上出四角八

觚外八面面一金剛持杵內四面面一佛坐像其下

跌每面羅漢三塔底四角用銅汁黏合故世有散成

一片者按倣迎立於戊申歲茲塔造於乙卯爲嗣立

之八年周顯德二年也宋史倣名本二字以犯宣祖

偏諱去之今款二名則在宋以前無疑是年周盡毀

銅佛像鑄錢忠懿乃以五百塔願日本他皆瘞藏於

十三州一軍之內朱竹垞據曹勣淨慈羅漢記謂銅塔悉歸淨慈非也厥後會

稽秦魯國第臨海赤山皆有塔出姜堯章得其一

本朝康熙初杭州慶忌塔圯有小塔百數錢氏表忠

譜以爲卽八萬四千中物吳任臣以小塔率番字乃

西僧擦擦所造錢塘志辨之詳矣此塔之流傳人間者吾鄉破山寺一蕭山祇園寺一其在嘉興白蓮寺者僅一版摠曝書亭集係放下屠刀立地成佛相當時詢之寺僧堅不肯承故竹垞未之見譌作武肅王事破山寺者康熙時已爲寺僧盜去乾隆壬子歲蕪湖令陳聖修之子得其一於紹興壽量寺已失去相輪七級以遺朱石君師師以上供內府人間亦不可得見矣嘉慶庚辰歲海鹽人開築海塘見土龕中列銅塔無數塔中空層層累疊外層俱殘缺最後一層得全塔二具攜來吾鄉竹田以宋元團扇畫文待詔山水卷易得一具其一歸劉氏問其殘缺者已傾銘作他器矣惜哉按造塔之歲距今八百六十四年

神物顯晦固自有數一旦獲覩全璧不可謂非奇遇  
已爰作長歌紀其事

柴家毀佛鑄錢用錢家輸錢鑄佛供鑄成塔八萬四千毀佛鑄  
佛同一年奉周正朔受周制黑土沉沉白囊閼八百六十有四  
秋佛在地中求出世長鑱發土土氣青鏗然躍出金精靈走來  
虞山尋配匹奇物飽我雙眼睛羈提變相四面呈相輪珠光七  
級明背文斑駁十九字大書某造猶雙名是時區宇未一統虎  
落雄圖蛇豕鬬黃袍被體真龍來鎬衣小兒搖尾哀一十三州  
土全納誰知土中有此塔暗憑諸佛救衆生自願捨身饑虎嚙  
否則王師來踐踏師卽饑厲民怖鴿玉鞍金勒玳瑁鞭晉王秦  
王醉比肩降王富貴有若此果然佛力能回天祇惜越民膏與  
血媚了空王媚京闕民命雖逃民骨枯地下黃金何處掘此塔



曾出南渡時姜仙座上周仙詩破山寺及白蓮寺松圓竹陀空  
記之盤陀老人石君師自號手捧得逸邠金輪未全璧後生獲見五  
代珍應笑前賢猶耳食一室照耀舍利光三日禮拜阿育王北  
風打來雪花溼銅綠透出青蓮香餘片紛紛惜搥碎煮雀焚琴  
同一慨出世不逢碧眼胡何如堅臥泥中身不壞

棋

籬角久相置因癰翻益奇偶花驚俗眼驟起炫旁枝培植誠知  
惜分移慎失宜華簷得春煖正恐忘寒姿

送霑

伊威埽盡壁蕭然白墮光盛碧瓦鮮一歲送迎終此日萬家煙  
火照殘年趨炎肯學王孫媚脩敬應輸老婦虔不用塗糟勸君  
醉此生何事欲瞞天

重光大荒落

少時題人扇頭畫松云翠鬣蒼髯勁不凋展來尺幅勢  
干霄卽今出入君懷袖時有清風欲動搖隨手棄去久  
不記憶矣鮑秀才炯謂余近日所作萬不如此詩歎賞  
不置豈人之好惡不同與抑妍媸固不自知也賦此誌  
感

題扇橋頭逞少年過橋前事已雲煙畫成眉黛嫌蛾淺拾去創  
痍比蝟鮮白也殘詩多附綴微之少作漫流傳鑄金瓿詎原無  
定畫壁旗亭是偶然

蔣伯生以狂謬被劾去官作詩畱別齊河次韻寄慰

溝水東西竟不回蛾眉生就被人猜亡羊莫更歧途去失馬須  
知轉福來著述等身林下事功名彈指劫餘灰河陽插遍花如

繡爭及蕭蕭五柳栽

未擬歸營十晦寬五湖何處一鷗安身輕且脫烏紗累望重  
因白簡彈四海狂名傳播易萬民清淚得來難憑誰將爾休官  
況寫入循良傳裏看

錢秋槎學博席上卽事感賦

手把醇醪笑不休相看已是雪盈頭座逢明月思前度人近樛  
花卽勝流老去雄心消一醉閒中清議足千秋湖山如畫春如  
海與爾同輕萬戶侯

題畫

片帆飛破一江秋咫尺應論萬里流畫裏看來誠快絕可知風  
急不能收

早春偕山樵詹卿過西園看梅下頂花初開含玉滿樹

春氣流行如燒香嬰神志和暢不自知身之與栲俱老也

尋詩不在遠但須有詩處微聞隔林香曲折引人去丹房閉陰森高花頂先露一枝領羣英氣自蓋全樹虬龍珠滿身瘦窄勢迴顧亭亭非炫時得氣有早莫玉梢弄春寒半畱白雲護網緼停化機大造不知故開襟受靈芬斂息領深趣東風吹冥冥夕陽爲誰駐

挽邵虛中

一卷京房易潛心四十年虛空翻古義抉發到先天獨見書誰信專門學絕傳知交餘我在淒絕撫遺編

春雪

飛雪破空來栲花正亂開易和機太洩陰氣勒潛回已苦遲春

澤還愁折凍菱急須乘雨化萬物待滋培

題吟紅閣詩稿

一樹寒梅對我開花前把爾句徘徊生成鸚語非關學惆悵蛾  
睂有此才情思渺從空外得性靈清自月中來不知柳絮因風  
起飛向誰家玉鏡臺

問海棠消息

幾日濃陰閉綠蘿東欄紅雪近如何愁他一夜東風煥未等閒  
齊落已多

春風

飛來雙蝶賭身輕戲逐游絲上下行小雨乍收風又緊桃花無  
分過清明

拜紅軒卽事

半樹明霞爛漫妝半含紅豆耐思量三千寵愛何人奪十五年  
華竟體香嬌語情深難按抑豔緣身受轉淒涼酒酣暫借花陰  
臥又是春風瘦一場

海棠花下放歌

紅霞一片頭上生照人不飲先微醒銀瓶綠酒瀉春煥幕花腴  
艸何縱橫樹高三丈花四丈下枝俯垂上枝仰花光照得青天  
紅天亦避花教雲養半開半含春意開者如笑含如羞東風  
莫拆紅豆盡畱作十日珠宮遊一花打頭勸客酒雙螭飛來入  
人手我斟一杯還勸花遣蝶飛還爲花壽酒杯放在雙丫花  
領人意真如擎嬌紅盡作酒顏色酒態絲絲無氣力花開可惜  
月不來月圓時節花未開誰能捉月東海底挂向枝上如瑤臺  
萬事從來少圓足無月不妨補以燭月惟下映燭上騰仰照枝

枝更如玉我時興發如雷顛酒酣逕抱花枝眠將身化作古明  
月花不墮時月不闕當花對酒能幾春有花又少如花人花不  
如人顏不老人不如花看可飽南山可平海可移惟情綿綿無  
了期對花思人人不知對人又爲花相思世閒快意那有此真  
箇花前爲情死一日不死情不止血氣無非爲情使願爲花下  
泥不願爲花上雲泥能植花護花根落花沁土香猶存枝頭碧  
雲一散春無痕

雨中作

憑闌日日望花開等得花開奈雨來蝴蝶不知雙翅重雨中飛  
去又飛回

雨中續飲海棠下放歌

美人不借豔粉紅好花不借晴日烘天公有意試眞色逕欲一

洗燕脂空花意不爲天所窮朱顏漸淡態轉濃始知傾城不在  
色何況世俗妝梳工俗子關門春癡作詩人冒雨清晨過雨醺  
春寒勒住花不替花愁替花賀舉頭忽爲花慘思如此畢竟遭  
非時旣不逢明月圓掛珊瑚枝又不獲晴光照耀富貴姿徒然  
宓妃感泣洛川水豈比太真賜浴華清池若非我輩真花癡誰  
憐浴雨膚凝脂花若嫣然向人謝難得諸君好閒暇晴來戲蜨  
雨弄珠一度詩情一變化詩情酒情同放顛詩城酒壘花根邊  
禮花勝如禮佛虔羽衣郎當角巾折要使淋漓醉態花生憐醉  
中把酒仰問天生無骨相銘燕然願封燕脂花花國卽號燕除  
我燕國花神仙綠章倩取東風便長乞輕陰護花倩人祝春晴  
我怕晴此意難期俗人見天心卻與詩思通欲晴不晴煙濛濛  
此時意態更不同嬌女出浴輕紗籠不能不醉不敢醉拌向紅



關伴花睡雨霏微我心慰雨滴瀝我心碎非花累人人自累不知枝頭點點雨如珠散作情天多少相思淚

寄邵蘭風

傳來病耗太淒然不是飄零已可憐家有衰親猶盼望貧無歸計況沉縣百年愁骨埋何地一代清才欲問天明曉寄書徒亂意願書猶得達生前

山中見野花數種

一徑穿雲破綠來偶逢香艸恣徘徊空山不識春來去背着東風只管開

巖均澗山繡縱橫花氣濃熏石有情得意自開還自落任人看煞不知名

酴醾如雪小園空暫借山厨酒一中濃綠漲天陰匝地人間猶

有未凋紅

初夏山游尋破腹寺小憩

人因春去愁我愛春去綠尋烟入深蘿疎磬候虛谷澗窮一橋  
臥林斷數峯續攬秀力振疲追幽目迷熟招堤隱巖坳取徑就  
松曲孤花表餘春微靄滌脩竹雲去神理超詩來妙香觸臞禪  
悟緣空遲僧淨冥坐領趣足涉有幾忘歸歸亦無滯欲斜曷上  
高樹暝色斂平麓天海青空濛一氣入遙囑胸含造化春萬象  
媚幽獨

餞春

一年何日最銷魂萬綠陰中酒一尊得意但看芳艸色回頭休  
認碧波痕曉知是躑身先退鶯縱能言事莫論如畫天涯望何  
極夕陽雖好自關門

手勸東風盡一觴。撲簾風絮又昏黃。閒愁總向今宵聚。好景難期。隔歲償願得。桑輪生四角。怕聞蓮箭定。三商惜春非是無聊事。多少閒人入癡鄉。

淨園以詩見授并惠新茶次韵答之

但知花事不知畊。比作梨花是定評。情重轉因通佛性。身閒終累負才名。茫茫文海爭千古。艸艸官場了一生。拈出趙州公案在。在山泉水煮來清。

天眞閣集卷二十六

詩二十六

昭文 孫原湘 子瀟

城河謠

道光元年春三月昭文劉侯挑濬運河城以東卅楫  
通利而城西南諸水湮塞自金李橋至范公橋數十  
武耳通則脈絡貫矣當事者欲通琴河之第三四絃  
復古戾今民不謂便乃託爲此詞前三章美浚河之  
功而跨河水閣未撤懼其久而復淤後四章專爲西  
南諷焉

隱仙橋至顯星橋河水如絃直一條從此卽來潮有信不通潮  
處也通橈

大東門接小東門跨水紅關界綠痕閣下船行天不見卽來只

道近黃昏

願河長通城外渠願郎長來如戲魚河不勤挑泥怕積人不勤來情怕踈

儂住山塘涇上隄郎住西涇西復西艸橋繫纜石猶在那得船通焦尾溪

琴水七絃存兩絃五條絃上盡民廳笑郎苦守尾生信黃柏橋頭等下船

范公橋西金李橋挑盡淤泥路不遙莫怪儂情似河淺郎自應挑不早挑

河要波流船易撐人要風流目易成好通融處不通去卻想不通融處行

虎邱觀牡丹

山家錦幔五雲裁處處天香染綠苔才大獨當三月令名高偏  
後百花開化工自結芳菲局空谷何期富貴來隨意敲門容飽  
看勝如池館自家栽

寫棋

偶然寫得臥雲枝世外佳人絕世姿只是未曾裁翦得不宜歡  
賞但宜詩

凌霜傲雪一枝斜只在山坳與水涯說與時人渾不解滿城車  
馬看棋花

停琴佇月圖

天風尋空來長松與之語形氣偶相遭元音一舒吐彈琴學松  
風意指凜失矩靜者心自然冥冥契太古

舉手招青天明月入我懷皎皎一寸心清光兩徘徊我心本無

物月影任去來眠琴與之化萬籟何有哉

划船社

相傳張士誠之戰卒爲崇荒誕不足信曰南府曰北府大率愚民相煽惑以土神所謂劉李周金者統之要之皆淫祀也始猶村民奉之於家近歲迎入城市至有士夫奉之者好事之家爭先迎致公然於聖廟前鳴鉦騶唱而過此則不可容忍矣爲告諸當事逐之作詩以詔來者

夫子廟前金鼓闐泮宮燈綵迎划船廣文先生肅拜前曰能禍福宜祀虔非冥漠無爲之聖賢划船自何來云自白駒場赤龍船上黃頭郎鷁首旗號猶書張厲氣血食占一方智者敬之愚者狂有士人有薦紳皂隸牙儈及富民相率入社來迎神一家

迎得百家歎息曰神到處百福臻晨起雙扉開剖羊屠豕祭饗  
來不來神力能爲災以帚埽神擊神再東家病痼西家瘵供神  
之家利三倍官符黑夜下兩府同驅逐留神不得向神哭願神  
立顯威與福官於此事殊憤憤誰妄言者神必祟奈何神靈也  
怕官日伺官病官平安

虎邱山塘觀水嬉

今年五月風日晴游人多借龍舟名山塘七里船十里夾岸行  
人更如蟻紅男綠女同水窗南鄰北里爭豔妝耳根喧聒目震  
炫但覺酒氣兼花香燈船入夜明星爛水上虹光燭天半如此  
繁華世所無只有吳兒偏見慣一船動費數十緡萬船之費何  
可論淫侈至此天亦助誰挽風俗歸清淳有叟掀髯笑而起眼  
見此風百年矣數年前頭制府來府帖禁止如風雷是年亢旱



三才集卷二十一  
三  
饑鴻哀云是龍不治水天爲災治民要使民得所豐嗇盈虛貴  
相補不見城東織晉守錢虜城西奇贏大腹賈平時一錢不輕  
與到此黃金散如土貧兒要使富兒錢不事嬉游安得取民俗  
雖淫民計寬一家囊罄百家歡吳中錢與吳民用勝把金錢去  
買官我聞此言三歎息欲禁還須聖人力寄聲長官莫禁止禁  
自衆人心上始

### 哭言管香

舊遊宿艸已紛紛哭罷洪孫又哭君君少與穉存淵如地下翻交契俱工篆書  
成君子國眼中惟有可兒墳酒香狼藉紅螺瑗書法飄零白練  
裙蕭颯林泉人愈少一筇清影立斜曛

### 聞蘭風之赴

得仕復何益况徒羈此身如何求宦達竟不顧衰親飄泊終傷

命奔馳豈抹貧旅覓歸未必應悔滯征輪

勿歸耕操

曾勉耘大令

濟

初宰羅山繼宰宣化卒於官哲嗣以

歸耕圖遺照索題夫歸以寄趣非君志也爲申其志  
如此

有田可畊胡弗畊拂衣要待功之成功成不成安可保武陵桃花笑人老曾君五十宦中州六十宦間猶未休故鄉春及蕪田疇歸來丹旆天容秋我無田可畊但識畊田樂青山處處是桃源一脫朝衣嬾更著人言高蹈吾豈高不才聊自棲東臯盤盤果有作吏才敢惜折臂躬自栽勤民卽以莠黍稷鋤奸譬若除艸萊願爲駕犁負輓之耕牛不願爲狎波戲浪之閒鷗不見勉耘民耘且籽可歸不歸勤至死古之循吏有若此

秋海棠

一縷酸香澈骨清  
西風獨抱此幽情  
何勞世俗爭矜賞  
浪借春花作小名

無題

細骨宜酬百琲珠  
朝朝忍餓學纖軀  
漫從掌上誇飛燕  
問道宮中進媚豬

浣紗溪上捧心人  
獨占吳宮第一春  
越女如花照谿水  
自憐巧笑不如顰

送秋

一點寒燈蕩影斜  
惜秋心似惜春華  
清霜有力欺衰鬢  
紅葉無言代落花  
別緒自飛仙掌淚  
長繩難繫絳河槎  
多情偏仗西風力  
畱得秋聲在暮笳

落葉

記得濃陰日花飛萬綠中春秋一旦暮溝水亦西東搖落隨天運文章掃地空誰能悟消息苦苦怨西風

張船山題鎮江楊子堅

鑄

詩後云短句長篇無不好舉

杯驚歎此全才請君準備今宵寢我欲南飛載酒來子堅裝冊屬題前有伯淵兄篆書載酒前緣四字

船山化去淵如死海內知交餘幾子故人遺我尺素書

攜錢梅溪書來

特薦詩人楊萬里相逢一笑虞山邊松巔老雀窺神仙南山雲

與北山樹秋風吹合寧非緣緣不可常留且止與爾一杯定交

始醉來招手九天覓雨雨星芒墮杯底明年攜酒妙高臺江山

一覽心顏開詩人茆屋隔江住好風日日吹君來

秋海棠

紅珠滴滴綻瑤英  
回首相思渺玉京  
小雨偶彈秋寢醒  
又含清淚憶前生

豔絕秋痕怨未消  
啼妝猶認裏輕綃  
斷腸生怕人提起  
任借春風喚阿嬌

銅鋪深鎖碧窗寒  
寂寞誰來倚曲闌  
料得花情更高絕  
自開原不要人看

黯黯秋靄欲化烟  
衰螢落葉共淒然  
燕脂不是傷心色  
畫到輕紅便可憐

熊經畧

偶閱邵長蘅作未得平允更爲此篇

熊經畧身長七尺  
目兩星左射右射  
孰敢撓有明賴此  
萬里城虛器徒擁  
權實輕屢進屢退  
隨人行誰掣其肘  
張霍鳴誰牽其

頸王化貞廣寧擁兵十四萬關中守者無一兵有者右屯五千人戰無可戰守則能平易橋圍一將叛廣寧城空萬人竄右屯一軍獨不亂退保嚴關屹天漢若論料敵指掌中經臣無辜實有功若論彼潰我軍在經臣無功亦無辜奈何屈殺奇男子比楊多一逃比袁欠一死當日爰書謬如此或言公於此時宜死守杖節捐軀死不朽或言公宜轉戰鎬義間扶傷救敗收功還是皆監儒議論左豈知戰守兩不可遼民四百萬衆擁地來山海一關蕩蕩開非五千人斷其後四百萬衆成飛灰豈惟生靈不可保我 國長驅入關早不見郭子儀與九節度同潰師斷無坐守河陽時不見慕容垂一軍三萬獨不虧亦無再戰淝水滑經畧本非逃經畧不可死不死疆場死西市萬歲千秋有青史貪狼魏閹狡兔憑借公殺人兼殺公六君子看一網取不爲

封疆爲門戶嗚呼經畧死長城壞一關從此無中外頭顱血灑  
九邊腥地憤天愁敵人快

高易相

有明殘局東事危督師隻手撐斜暉再蹶再起卒不振是有天  
意非人爲劍睂鐵面如虹氣出鎮雄關控遼薊四十五堡消狼  
烽十一萬兵練鐵騎盡五千頃開屯田踰四百里拓疆地水營  
火營若指臂聯絡車營十有二但須二十四萬餉到關直取醫  
無間外看如寄九重龍闕陰雲生閹奴哭繞御榻行不愁功敗  
愁功成成則晉易之甲從而興事到垂成忽中止從此心灰乞  
歸矣豈知烽火薄都門卻念勞臣重詔起二十七騎何縱橫橫  
穿萬壘如無兵招還前鋒跋扈將恢復連陷幽州城其誠能使  
天有祚明意不能使羣小齟齬無相傾臨臨榆關開萬軍到高易

城圍忽三笑臣願難將一死酬君恩拌向重泉報祖孫叔姪與父子一十九人同戰死世間忠勇誰有此烏虜如此臣猶被三黜明乎不亡待何日

皮島師

我朝開國東海東氣吞中原掌握中目無殘明不足攻所患躡後毛文龍其島去我八十里聯絡朝鮮勢相倚我雄一方彼角倚我師前驅彼襲尾今年擾義州城明年侵耀州營鞍山驛前風崔聲撤爾河畔烽烟驚雖云亦癘疾實爲心腹患鐵山戰勝脫兎逃鎮江失守前車鑒天幸明臣不爲明翻爲我國除榛荆山頭干杯意氣厚帳前一劍頭顱輕將軍擧狀豈不實將軍之功不可滅督師一著算何低東事三方勢全失我朝何智明何愚貔貅百萬今長驅回頭卻顧海雲紫笑指東江腹患



除將軍死未踰三月督師倉皇衛京闕龍井關隘口斷遵化營  
士卒亂薊州西鳥獸竄是誰誤殺毛文龍萬聲只怨袁崇煥

讀史

元臣開府鎮南都百萬窮黎待爾蘇祇恤黃頭勤轉漕卻援白  
著定征輸耗增雀鼠非煩政斂及雞魚亦本圖敢效伏伽徒戀  
直上書堅請損常租

東南新法奏京師清議從容費主持自是均輸無上策何如勿  
藥得中醫神倉轉運須籌國長府因仍暫救時已勝模稜蘇味  
道漫陳兩可說公私

無端出口吐蟾蜍月紙雖清計已疏稅額幾更三賦法班心重  
上萬言書縱嫌瘡馬鳴何晚猶喜亡羊補未虛努力玉坡風議  
在勝將詞賦擬相如

寄蔣伯生

雁門西接關山高八月霜花落鴈毛萬里風沙鄰鬼國一時詞  
賦變離騷漫將熱血磨長劍未擬歸心唱大刀日寫柳州書數  
紙龍堆落日首頻搔

臘月十五夜

有月便忘寢不知霜滿欄澹懷宜獨影靜氣耐孤看光斂一珠  
小芒森四角寒殘年水趨壑最惜此團圓

秋海棠曲爲張生詹卿作

張生意中有傾國欲說與人說不得卻憑眼底淚相思寫取心  
頭花絕色識花記在西泠西乍陰乍易光合離賞花又在南屏  
南相當相對何嬌憨護花愛花不忍採花號海棠情似海自從  
小別華鬢天秋風開落空年年每逢冷雨幽窗夜唱出哀蟬落

葉篇朝採若木枝，算採燕支艸。總不如花顏色好，朝思花看朝霞算。思花看月華，花容尙可天上覓。惟有花情海難測，昨宵尋花秋癡中。翩何珊珊來秋風，秋在南高峯。秋在北高峯，峯能隔斷花下蹤。不能使兩心隔絕，無相從。還君眼中雙淚紅，何由灑向君牆東。海棠花情似海，當時愛花不忍採。

七香來戲贈一首

如君浣筆向銀河，畫了天孫畫素娥。傳作眼中能有幾美人，天上亦無多貧還得飽。惟餐菊寒不知愁，自補蘿歲算遠來休。便去一尊風雪且高歌。

祭詩歌

浪仙祭詩自祭也。自祭則孤祭，古人則泛取平昔故舊之詩雜已詩祭之。凡我所祭皆長不死之作。我與

諸故人同在長不死之中又何死生之判也祭者十  
四人瑤爵三醺悉取十四杯次第飲之頽然竟醉時  
道光元年除夕也

我不知我詩可方古人作者誰又不知古人誰許我作相追隨  
茫茫天地無可問不如平生故舊堪攀追海內詩人盡交好海  
內知交今已少其人雖死其詩存羅列詩卷招詩覓或遊天宮  
或海嶠一一心香能感召迎神送神卽以其人詩詩聲化作鸞  
鳳空中嘯我持一尊勸故人故人飲我杯中春若使諸公猶未  
死那得一招都至此卽或有時訪我來此來又恐彼已回安得  
一堂羅致四海才令我一醉心顏開其人青年與頭白其居東  
西間南北其詩平奇濃淡不一格其中或有相知不相識皆令  
作我坐上客千古從無此筵席梨花酒榷花香歌我詩侑客觴

我詩近來格頗變諸公生時所未見公等亦有身後詩我不得  
讀寢見之一人心血能有幾人人嘔出在詩裏如此濃雲大雪  
中萬丈光芒蘊天起

元默敦牂

春睡曲

昨日雪飛今日雨妙手誰能漏天補寒衾抱寢不肯醒竹外瘦  
鳩啼過午臥聞屐齒聲丁丁酒人索酒衝泥行牀頭自有梨花  
春足取一醉無求人醉中萬事置不理一枕還尋大槐蟻嬾雲  
不起與世忘世亦無須嬾雲起

春晴曲

一綫晴光兩眸洗紅日無聲喚人起雙鬢笑倚畫屏看道我  
眉間黃色喜一月不出兩足輕巷口飛起青山迎春人往來若相

識欲言不言殊有情  
桃花怪我出門早  
絕無詩處尋詩行  
歸來倦把一書寢  
有酒還對古人飲

春寒曲

聞道春江潮欲回  
潮迴人定有書來  
橫塘一夜玻璃凍  
恰比相思解不開

春風催雪不催詩  
寒勒梅花特地遲  
畱取滿枝紅豆好  
待人一見一相思

春光疑不到天涯  
好寢因循鎖綠紗  
等得身輕似蝴蝶  
與人爭路有楊花

畫梅寄平叔

千里相思兩鬢華  
聊憑驛使寄梅花  
遙知一笑開函處  
散作春風十萬家

戲題柳河東李赤傳

咄咄怪事乃有此手抱東施當西子眼橫波耶眇而視步生蓮  
耶跛以履芬芳若蘭耶疥且痔溫潤玉顏耶齟齬而歷齒其持  
說也方且飛燕太瘦玉環太肥寶兒何愁孫壽何啼乃心蕩而  
覓與在倭傀與此佳若云家雞不如鶩不聞鵲鳥肉可臠卽云  
瘡痂味如饅不聞蠅蚋丸可嚼讒人變亂賢與奸畫工改易姁  
與妍是皆有意爲倒顛奈何真心逐臭青蠅然主家豆悉取食  
石家棗恣飽喫圖中石芙蓉席廁上簪蘭蕙澤不見柳州集中  
李太赤

題黃韻山山水冊子

韻山一峯  
十六世孫

掉頭歸臥釣魚臺載得幾眉片月回手寫芙蓉三萬朵一峯飛  
去一峯來

聞詠

一臥滄江穩都忘歲月更貧增瘠健閒得癡竟清愛酒惟供  
客耽詩不爲名當時玉堂伴幾輩到公卿

新晴頊儒來同遊西麓

小酌梨花一石春東風扶醉兩閒身青山癡醒無多日白首心  
知有幾人鳥趁新晴多婉轉棋經老瘦越精神相看莫道斜陽  
晚笑指峯頭月半輪

散步北巖尋天龍菴小憩歸飲黃韻山齋中醉後賦此  
偶看畫中山忽發看山興晴嵐釋寒容如僧初出定一筇背谿  
流雙雀候蘿磴雲谿逢招提風疎度清磬山空不知春氣轉脈  
自應寒樵未著花紅珠滿身孕談空松有聲論古石能聽忘歸  
歸亦佳頰翠一襟膾



黃君愛我詩飲我金盤露我性不解飲頗識酒中趣一杯和心  
神兩杯起沉痾三杯竟陶然雙眼墮雲霧就琴欲倒眠起舞不  
知步春風吹門開新月挂高樹新月勿復落春風願長住吾將  
日日醉桃花玉顏駐

張生

落鏡

將北行依依來別送之以詩

握手離亭酒滿尊心隨柳色去遙邨春江盡舫帆無際深雪柴  
門屐有痕早決雲霄千里翼難忘風雨一編論棋花未落人先  
去玉筍休吹已斷魂

內子進香天竺登舟有作邀余和

梨花催我挈家游鏡檻書牀共一舟二月酒香思下若十年竟  
癡纏杭州山來乙乙如青髻水宿雙雙有白鷗同在煙波圖畫  
裏詩情偏落此船頭

附錄

十五年前此舊遊青山認得武陵舟  
布帆無恙東風路春水方生杜若洲  
棹倚含稀過曉蘭橈初撥有迎鷗曉妝  
怕向清谿照前度來時未白頭

重至西湖和道華作

人道西湖何黯淡我誇黯淡轉靈奇  
煙雲自古長新物山水如人絕世姿  
若現樓臺翻俗筆便逢風雨亦宜詩  
難將荒率雲林畫說與春風士女知

附錄

十年癡想西泠路重對湖光分外奇  
樓閣盡如仙化去雲山猶賴佛撐持  
更無金碧將軍畫但有空靈表聖詩  
畢竟淡妝看最好漫將濃抹勸西施

遊天竺靈隱諸勝和道華韻

淡蕩詩情澹蕩天雨餘風物更清妍  
龍吟百道水聲壯人立一  
峯鬢影偏此處湖山天下秀  
同來眷屬地行仙  
瓣香莫問西來  
旨拈著棋花便是禪

附錄

曉鶯啼徹嫩晴天喜遇天緣  
百事圓流水聲中清磬冷  
慈雲影裏碧峯妍  
拾來香艸先呈佛  
修作棋花不羨仙  
到此凡心消盡否  
尙餘結習尙詩偏

飛來峯

一峯無根突然起  
體附大山實異體  
萬壑玲瓏混沌啓  
雲從裏出復入裏  
人來隨雲穿洞中  
洞中有洞迷西東  
低忽下壓俯我躬  
高忽仰企勞雙瞳  
一轉一碧勢不窮  
世界縮入青芙蓉  
橫從

兩脇穿其胸一纔始與青天通上有長松天矯如蒼龍下有飛  
泉蜃蠃如白龍樹透石骨比土鬆水齧石竅根嵌空旁生石筍  
何龍從意欲一支別出成奇峯此峯來自蓮花國面面蓮花坐  
古佛不知是佛遊戲移峯來抑是峯自偷來佛尋得我登其巔  
勢傾側疑是峯真生羽翼天風搖動蓮花莖徑欲乘蓮入西域  
峯旣能飛來亦可別飛去願天借我東南風飛向吾家屋邊住  
吾鄉亦有雙鏡湖得此山水可甲東南區如何天風吹不動歸  
家又作杭州癡

孤山探梅歌

西湖雪消萬峯出獨賸孤山一堆雪春風吹雪雪不消遊人都  
過西泠橋山南萬花雪皎皎山北花猶似珠小人穿花中雪亂  
飛玉枝杪出牽人衣一亭亭亭出花頂花影縱橫閒人影但看

香海白四圍不見明湖綠千頃高人詩魄花下藏花氣薰得白  
骨香千年骨香化作煤一樹獨領羣枝開先生自有花眷屬笑  
我卻共山妻來若論花妍人白首先生勝我得美婦若論人辯  
花無言我比先生得詩偶一吟一嘯雙徘徊瑶山雪海爲玉臺  
亭前驚起老崔舞飛上枝頭作仙語

附錄

高人風骨美人姿圍繞孤亭玉萬枝稱我暗香疎影裏滿  
身詩意立多時

折取南枝當瓣香隱君祠下奠椒觴一聲崔嵬清如水花  
外濛濛又夕陽

晚霞圖裏畫船開回望孤山雪一堆柔艣一枝鷗外水冷  
香隨著過湖來

歸舟

鷗波搖蕩綠參差  
收起春帆去路遲  
過眼雪山千幅畫  
破眠風雨一船詩  
懸猜帘影橋邊柳  
背顛花香艣後枝  
如此浮家吾願足  
不歸猶可況歸時

探樾北山懋破腹寺遂至維摩寺

香在東風裏  
冥冥何處尋  
偶隨流水去  
一往白雲深  
寺古樹忘老  
山空春有心  
忽逢天女笑  
飛雪滿衣襟

春濃

東風人在畫中詩  
濃抹春光似大癡  
一嶂青環城內外  
萬花紅繡屋參差  
漫天柳色藏鶯小  
夾路花香過蝶遲  
水樣韶華誰解惜  
勸人惟有酒家旗

花朝醉後歌

有花難得月正圓有月難得花正妍今宵花與月俱好明月滿  
地花滿天東鄰西鄰皆酒徒但聞酒香不用呼一庭團坐花月  
裏月爲燈燭花爲廬左手執花枝右手提玉壺月光在手搖漾  
如明珠此時一醉無所須玉山便倒花能扶君不見峴山之碑  
高徑丈剝落龜趺客悽愴又不見將軍冢並祁連山麒麟倒眠  
豐艸間豐功鉅烈不常有何似好花常在手歌臺舞榭如雲煙  
明月不用青銅錢月能止人寢花能勸人飲諸君各盡三百杯  
花月便是糟邱臺月缺不復圓花落不復開東風翦愁愁不斷  
劈破春光已過半已過之春風流雨散不可思未來之春天時  
人事胡可知及此花月正好時飛花喝月君莫辭

清明日泛舟山塘

鷗波人在鏡中行飛出青山帶笑迎畫舫桃花仙眷屬紙錢楊

柳古清明烏鳶攫食誰家冢羊馬橫眠異代塋一路春風歡笑裏蕭蕭攬入白楊聲

病

牛鳴蟻鬪太縱橫伏枕昏昏似火坑骨豈成仙餐竟廢覓先近  
鬼寢多驚三風痼疾何時已四海瘡痍未盡平無力手援天下  
因此身何解病纏縈

病起

同人有月下賞海棠之約至是而花落久矣作此解嘲

甞過嬌紅姹紫天起來新綠已娟娟殘春力盡如人瘦明月情  
踈背我圓萬事未來難預約一花相見有前緣維摩示疾神通  
大天女何由爲破禪

偶過燕園有懷伯生

萬里從戎客春風不到臺地邊客傑氣天厄見奇才塞艸懷人



看園花背主開 國恩知未報未敢勸歸來

庭中開牡丹甚瘦戲作

家貧諱言貧賴有花富貴如何玉環妝卻作飛燕態方爾未花  
時調護匪敢懈冰霜謹蔽遮膏澤屢灌溉奈何人功勤難拗地  
力憊親朋偶來觀顚顚替花哂予笑語衆賓此事勿深怪自憐  
瘦而狂近復病新瘥寒棋癰可方修竹影相賽如花獨豐豔花  
與主不配行將送此花移植朱門內酒肉時熏蒸錦帷日覆蓋  
會開御衣紅且發紫袍帶花既得其所免使我心瘁花神冉冉  
來向我笑且拜自從入君門培植荷深愛曾無俗士看惟與雅  
人對風月爲九錫詩篇當十賚清幽稱安居寥寂喜共耐忍以  
瘦棄將情薄母乃太黠首笑謝花前言戲無懟以我沈郎醫匹  
卿楚宮佩瘦與瘦相憐不瘦便不媚慎毋學癡肥日對田員外

贈婦

束髮爲夫妻相莊無慢媒不緣危病中焉知情篤絕偶蒙霜露  
侵一氣遂綿煖熱如墮火炕寒苦臥冰穴傾身護我寒取涼礎  
我熱湯液味先嘗槭窬手親挈避人默禱祈背我潛哽咽餐寢  
意兩忘晝夜醒常徹諸兒奉殷勤弱女侍懇切未若君精誠可  
會不可說兩旬始彊起雙弓稍能啜火候必謹伺水泉務香潔  
題糕截雪腴說餅糝玉屑人蘅脫釧償燕蓐拔釵設不食勸加  
餐旣食求搏節垂幔慮風僂添衣防日昃朝看體展舒開顏暫  
夷悅莫聞語呻吟愁眉又雙結知我善變貧罄餅勿漏泄戒我  
喜讀書插架悉屏撤親戚道過防婢媼哂迂拙保母衛嬰兒誰  
能此曲折我如屋上莠煙蘿賴補綴我如霜中蘭花蝨煩剔抉  
平時最矜嚴豈敢涉私褻自信正大情不在兒女列一月不梳

頭今晨鏡匣揭顧我身束柴累君鬢添雪何以酬君賢作詩播芳烈惟期日與月相照永不缺

王生

希曾

家餅供柏枝忽生綠珠子久漸肥大一綠蝶

翩然飛出生以碧筠籠貯之繪圖索詩以紀其異

古餅貯水水不死枯柏經春孕珠子一珠獨靈大如指包得南華齊物旨春風微噓珠眼穿綠雲脫出翩如仙湘簾過身瞥不見已在屋角桑陰邊生時世界但一碧不配尋花配尋葉東鄰粉蝶不相知道是葉同葉相貼青銅柯上思前生千年黛色衣染成墜樓佳人覓覓化飛勢還如自樓下王生捉得喜欲狂籠以碧筠爲蝶房潛身綠處如繭藏性與籠適形相忘開籠放出綠衣嬌身帶柏香兼柏翠綠鬢纖手搗薜蘿翻新爲搗勝王圖

趙生叔才以紅紫白牡丹見貽病中對之戰然有作

已分尋春晚況聞香委替何期有三豔更喜盡重臺落翦芳心  
潛迎風笑口開人無看花意花自逼人來

戲題鍾馗美人扶醉圖

拋長劍把深鍾鐵顏煥泛榴花紅須頰不張雙眼矇紗帽倒著  
迎薰風路鬼那識進士公平時意氣破鬼膽醉鄉一消氣都輒  
馗乎馗乎爾何懶馗也逃離笑不答更卷白波傾十榼頰然自  
有美人扶方今太平魑魅無

吳秀才

鼎文

索題種石圖

乞得靈根向女媧亟攜鴉觜墜煙霞本來溫潤原如玉儻使能  
言絕勝花自喜空青開洞府漫疑環列當排衙養成面面芙蓉  
碧壓倒英光米老家

畫棟

畫棋莫作畫工畫盡失天趣惟人工如何纔到恰好處不在畫  
棋人意中

趙文毅公硯銘

剛腸鐵面以抒直諫太真之徒視此硯

清真觀宋棋歌

觀在崑山縣治之北相傳棋猶宋初物花時香徹數  
里遙望若珠蓋覆於老子之宮入坐花下則繁英障  
天香雪匝地根蟠曲一庭幾徧予十二歲應童試至  
縣所見如此時乾隆壬辰歲也自後不復至至或非  
其時及嘉慶庚申歲膺李味莊觀察之薦主講玉峯  
書院重過清真觀則院宇荒涼尋道士問宋棋皆不  
知有是蓋閱二十八年而人與物俱非矣時常州呂

叔訥爲縣學博士云聞之老吏某年花盛放時縣胥  
輩方懸鐙徵樂謀於明日張醺其下閱文而花盡萎  
樹其神矣哉或云道士苦煩擾陰以藥殺之其或然  
與暇日追憶其事爲之作歌

梅龍住世八百年曾識驢背希夷仙世間老物數有盡玉鱗一  
夕飛瑤天自恨此生已晚猶幸前緣緣不淺不見神龍天矯  
時猶見龍身老蜿蜒是時二月已落楸花肥樹大獨後開千枝  
萬枝一廟蓋殿角參差縮花內環視琳宮亦非隘無奈楸花比  
屋大人入廟中花世界一半花猶垂廟外晝不漏天爲花礙夜  
不漏月有花代春風吹香一城醉看花人來肩壓背我從一見  
纔不忘無緣再覩施與牆江南處處南枝香圍不滿尺高及牆  
吾鄉崇禎三載樹較此亦在孫曾行二十八年尋舊躡化去梅

竟賸棋屋道士霜髯長過腹問以棋花瞠兩目當時悔不施神  
通靈根掘起煩豐隆五丁力運萬牛載移植吾鄉老子宮不然  
願借少女風吹醒棋鬼枯根中怒芽一夜發千幹還我珠蓋撐  
晴空不可追者渺然已去之仙蹤猶可攀者超然後起之猶龍  
不見銅陀西磧皆凡庸讓出虞山一樹獨秀江之東

宋棋亡而崇禎一樹獨古矣

### 天仙畫人歌

金雲門夫人名禮羸山陰人吾友王仲瞿之配也於  
畫無所不工山水似李昭道董北苑下亦似趙承旨  
人物似李公麟仙佛間似陳老遲花鳥似徐黃墨棋  
似王參軍蘭竹似趙子固又能自出新意發露天機  
人問其何所師曰吾師造化耳顧一畫恒數十日稍  
不愜便棄去嘗作十八尊者欲以施雲栖長各徑丈

珍禽奇樹備極瓌偉墨骨旣就以傳色須錢百千久之不就成龍樹一尊而已每日晨起坐一室研吮丹粉盡二鼓乃已家之有無不問也予寓仲瞿家累月未嘗悉其聲影有具金帛求畫者輒謝曰吾畫豈可求而得者獨善予與舒鐵雲詩許爲作畫余得墨棊一幅又嘗爲先太守作從軍西藏圖絹長三丈餘人馬如豆經年始成未及傳色而夫人亡矣年二十有九仲瞿寶其畫常以數十幅自隨有乞之者別倩能手作贗本與之仲瞿歿不知流落誰手矣夫人嘗乞予詩予詩不苟作今距夫人歿已十六年乃作以報其靈爽畫傳詩耶詩傳畫耶姑俟之百世以後

能人不能名曰天死而不死名曰仙天仙之畫如雲煙天仙之



名以畫傳婦人能畫倒好嬀偶擅一長已足奇發露萬象無所遺包涵萬變隨所宜古來丹青只數手挽下奔趨無不有名家大家何所摹胸中擺脫一箇無不師古人師造化盡屈古人出其下貪天不足向天借此筆靈奇天亦怕風冷冷雷冥冥帝召畫仙歸玉京仙筆去畫天宮庭人間數紙徒飄零俗眼不識識者驚山捫之而有稜水聽之而有聲雲如行樹如生花如馨鳥如鳴畫人畫骨兼畫情肖物肖神非肖形化工在手天無能名以一妙無可名仙乎仙乎仙則靈

孫武子玉印歌

伯淵前輩兄爲山東糧儲時得此印乞余詩久矣今伯淵已歸道山予不敢食前約且予與兄俱公之後誦先烈也

一方寒玉含兵氣佩出風雲變天地吳人踏破楚山河五戰兵  
符此鈐記雙螭蟠屈蟲文蝕兵勢攻謀視此刻豹韜手奏十三  
篇篇篇紅印桃花色吳劍無端飛入楚吳王衝冠用孫武利趾  
三千多力五毀十龍鍾燕高府闔廬夜入秦嬴房子山亦登臺  
瓦牀齊人晉人膽盡裂如此兵法非尋常可惜奇謀止於此何  
不縛俘獻天子功高攘楚勝桓文只快私讐晉與韜吳孃釣魚  
作膾羞將軍醺罷天容秋水精宮中鬼啾啾美人覓泣尋雙頭  
巫門大冢土色鐵行人下馬瞻武烈畱傳此印印丹砂猶帶掩  
餘燭庸血

鴻儒歌

天生聰明墮雲霧舍卻性靈攻考據一字異同百口爭兩字搏  
撻萬言疏頭埋故紙若蠹魚心無一孔如巨瓠自誇碩學繼馬

鄭郤鄙辭章揮李杜古來博學惟宣尼郭公夏五多闕疑不聞  
手箋三墳註八索上攷九頭五龍及攝提平生韻語是所好贊  
易篇篇總清妙庭訓頻頻勸學詩閒情自寫猗蘭操子與考據  
亦復踈江淮脈絡心芒如說詩但以意逆志讀書不肯盡信書  
我有聰明自發議上窮九天下九地要令後人考據吾詩文何  
爲日與前人作奴隸今之鴻儒古之奴或主漢儒或宋儒傍人  
門戶不敢發一語拾得餘唾如珍珠我愛陶淵明清風筆端灑  
終日讀我書書不求甚解不求甚解解必真不宗前論論必新  
宣使諸公笑我枵腹人毋使撐腸拄腹盡是頭巾塵

桃花莊歌

弔王仲瞿也仲瞿僑西湖之王氏莊隙地皆植桃榜  
其門曰借他紅粉三千樹伴我青山十八年意謂桃

花命短止此數耳予於嘉慶丁卯仲春信宿其中時  
花甫三年今春于役杭州重過其地花恰十八年矣  
雖零落猶存數百株而仲瞿下世已六年求十八年  
之窮愁著書天猶靳其數吁命矣夫

一莊半讓桃花居有桃花便桃園如桃花濃時春滿廬桃花叢  
中人著書問君著何書一身跳出仙佛儒上凌九天搜神衢下  
入九地窮鬼區要將兩閒文字另闢一境界使千秋文人祧唐  
黜宋祖仲瞿虹氣燭天驚上帝怪爾鴻文洩元氣敕使夸蛾奪  
彩筆筆能扛鼎奪不得奪其祿命予以貧使之救貧不暇何暇  
爲奇文仲也違天與天戰因文致窮窮益變宣使貧難蔽風雨  
不吝語不驚雷電三旬九食眼花眩饑腸自嚼桃花嚙桃花中  
無人扣門桃花寂寂來笑君文光萬丈有誰識不如花光自透

春空雲春空雲結五彩花中人竟安在花壽十八年文壽億萬載世人但見花眼前憐渠不及桃花年

### 黑水洋

詠李忠毅死事也公諱長庚字西巖閩之同安人官浙江提督以勦洋匪蔡牽歿於廣東潮州之黑水洋故事提督綜全省水陸軍事無出海逐賊者公以賊勢蔓延三省閩軍不足恃乃自浙而閩自閩而粵狂濤駭浪中親冒矢石蓋其忠勇出於天性常載櫓自隨誓死殺賊至是爲礮彈擊喉而卒時嘉慶十二年十二月二十五日也

黑雲障海海汨天妖鯨跋浪天爲掀將軍樓船自天下蛟鼉驚  
竄風霆旋我船十丈高五丈匪艇更高我攻仰

公造大艇名靈船連敗蔡牽賊

閩商更造大帆浴蠶脂禦火焚帆下渴烏激水上火攻兵攻兩  
艇出靈船上帆浴蠶脂禦火焚帆下渴烏激水上火攻兵攻兩  
不及賊矢翻於我船集將軍一呼海水立士卒爭先一當十手  
提雙桴戰百合縱火賊帆燒五葉煙飛砂走風更急鼓聲雷轟  
賊雨泣火毬霹靂從空來桓桓七尺如山額中軍舟亂下軍退  
聞帥見中軍賊船銜尾衝波開海上千人萬人哭如此天心人  
不服元戎獨喪何鎮南窮寇未除徐道覆計公與賊十七戰戰  
戰垂成事中變浮鴈馬蹟龍灣頭甯汕北汕仔尾州屍橫百里  
奪百艘窮鱗勢蹙魚吞鉤陽侯陡漲艨艟浮是猶天意非人謀  
公既連敗率率屯軍北汕沉舟鹿耳門最可惜者定海捷斷其  
自塞走路一夜潮驟漲舟漂起得遁去  
兩臂茂與業如獲匪目張焚其三窟惶與牒絕其四路掠與劫糧  
盡兵窮命呼吸賊走閩疆但乞降公自窮追務擒執材官傳箭  
來止兵浙師不得閩橫行將軍功成功不成公回帆受人制賊

揚帆得其計烏虜人耶抑天意

公由定海追賊入閩牽糧盡艇壞不日就擒閩督以令箭止公

兵牽得乘開修艇去

公於此時志已定死報

國恩盡臣命貂纓翠羽麒麟服壁上諸公徒瑟縮臨淮慷慨插鞬刀陳子從容具含玉將軍雖亡威信存部下誓報將軍恩長鯨終斬廬循首朱鳥應招

馬援薨十四年公部將王得祿殲牽於浙江温州之黑水洋至今三省無海氛海波蕩蕩

開紅雲海戶尸祝公成神國殤更有胡將軍温州總兵胡振聲於嘉慶九年被戕

宋梅妃塚

在太倉茜涇鎮南一里相傳宋高宗自海渡婁有棋

妃侍輦道卒葬此按本紀建炎三年十二月帝乘樓

船次定海明年正月次台州金人來襲遂由温州駐

越州無渡婁事惟紹興四年十月帝次平江六年九

月復次平江時蓋金齊合兵來犯趙鼎請親征或於

此時挈妃行在歿後葬於嬖然不可攷矣

一馬負龍南渡來蛾睂傍輦龍顏開神娥倏化彩雲去千春玉  
骨封莓苔是時未定臨安鼎金齊合犯江淮警宮女三千遁海

航聞警令後宮自溫  
州泛海如泉州

六師倉卒臨吳境吳苑秋風輦道涼靡蕪

淒碧滿塲塘玉魚自伴梨花葬錦韞誰傳藕覆香回首汴京烽  
一炬犢車盡輦如花去瑤札雖憑洪皓傳金環空向曹勣付可  
憐一曲怨歌行羃帳琵琶淚如注寶匣珠襦開九泉漫言薄福  
如朝露承恩獨讓侍康亭一朵紅雲芍藥生花下繫羊徵福慧  
舟中躍鯉語聰明張家絕勝劉家廢番舶明珠終不至何似椒  
房陰火青弇山松柏西陵意一樹冬青噪白雅六陵王氣散飛  
霞梓宮已被奸髡斲麥飯誰從義士賒豈識茂陵秋艸外荒濱  
猶賸玉勾斜行人莫誤樓東認別是南朝一樹花



金姬墩

在吾鄉湖橋西數里相傳僞吳張士誠妾葬此余少  
時過之松柏猶翳今則童然矣絃此俾後之人知所  
攷焉

一堆芳艸雲容墳春風搖蕩梨花覓田夫攜鋤不敢耘寸土尙  
說吳王嬪高紗紅帽稱孤君前殿十嬖倖後隊千紅囊神兵一  
壻空娛氛狐嘯兔竄同時焚清風獨有劉夫人白駒塲萬夫雄  
赤龍船一炬空黃菜葉乾西風鐵篙子打破筒錦峯西尙湖左  
湖煙淒峯月墮幸免齊雲樓上火

天台圖

已從絕頂躡飛處更有奇峯萬疊遮懸瀑自封仙世界橫雲何  
處美人家玉杯影墮谿中月錦樹濃開雪裏花笑我題詩空讀

畫一簾秋水癡胡麻

畫棋與邵生

廣鈞

巖圻深雪癡枝蟠骨傲天生耐得寒得意自開花一樹不曾開  
與世人看

屈君

心樸

以癡遊雁宕詩見質輒題其後

子晉吹笙處茫茫四百峯白雲遮不斷一面一芙蓉偶發凌霞  
想言尋跨雀蹤覺來懷裏月猶掛東谿松

我抱神仙骨常期汗漫遊便乘黃雀背直過大龍湫欲癡無仙  
枕虛懷與水流空吟李白句長嘯凌滄洲

北山石

北山石青巘既有盜鑿取青琅玕山骨斲損山脈殘東家墳上  
石西家墳上訴官勘西墳石如故東墳之盜官不顧訴諸郡石

投水訴諸臺石填海畢竟石從何處採石不自言誰訴宰

秋雨

望雨久不雨欲晴翻雨來有禾須刈穫無土待滋培潤物功偏  
靳違時澤轉災惟餘山色喜翠潯白雲隈

擔菊圖

一肩擔得秋兩頭冷香嫋嫋風颼颼無人拋錢買秋去長街踏  
葉秋愁愁秋愁愁鬢絲照水羞白鷗霜螯正肥明月瘦有酒不  
待歸而謀開我碧甕香掬酒浮花黃花香酒香雙入手焉用黃  
金印懸肘醉來便臥花擔邊不知花仙抑酒仙此中別有秋世  
界人來買秋秋不賣

短歌一首贈王生

我昔見生初入塾背誦經書如布穀豈謂儒冠多誤身脫屣時

榮隱巖谷二十隱於賈三十隱於醫得錢沽美酒得意吟新詩  
四壁涸人書盎然得春意一卷避俗文颯然帶秋氣一疾弗瘳  
終夜思一字未安拈斷髭王生王生徒自苦寂寞身後誰相知  
學詩學醫不如去學諂媚骨終須致身顯不見紫金丹進醫得  
官雞舌香含詩中選

畫櫟

仙骨亭亭不染埃自臨清沼影徘徊人間只種凡桃李何苦東  
風寂寞開

橫跨巖坳受雪封冰心鐵幹耐深冬雖然未預調羹事亦是山  
中一臥龍

落葉

向夕霜飈動遠砧亂隨秋氣下空林蕭條頓改山河色搖落難

同天地心吹帽羞看雙鬢短  
閉門愁對一燈深  
無人會得悲秋意  
盡道丹楓勝綠陰

觀楓小雲栖得四絕句  
屬改七香就詩意補圖

幾日新霜下  
杳冥眼前風物已凋零  
青山厭聽人閒事  
自入秋來醉不醒

空翠沉沉石徑修  
白雲橫斷古林幽  
雲中不是仙原近  
那得桃花直到秋

春氣偏烘木落時  
新妝不是鬪燕脂  
難將一種殘秋恨  
說與西風冷翠知

天風如水襲衣涼  
歸路詩情寄野航  
越是晚山紅越豔  
勸人回首有斜陽

醫俗圖

病不可醫惟有俗不種靈芝種脩竹隔斷飛塵十丈紅映得須  
睂一時綠清風蕭蕭五百竿虛堂白日生秋寒襟情瀟灑與之  
化勝如換骨求金丹春雷一聲迸蒼玉煮向寒泉飽饒腹渭川  
千畝在胸中何用便便爾雅熟

晚眺

一塢紅香夕照微幽居寂寂敞柴扉靈瓏幾筆桃花影隨著輕  
雲欲上衣

花香人影兩徘徊隨意尋詩坐綠苔幾縷瘦霞紅不定晚風拖  
過樹梢來

秋海棠

鬢側鬢欹翠裏偏不勝清露影娟娟玉環風致依然在只是秋  
來瘦可憐

天眞閣集卷二十六終